




Se expende en MEXICO, librería de Ignacio Ju
lian, Portal de Agustinos núm. 4, letra B.



Ex Libris.



Q5200

Hippocrates III

HIPPOCRATIS
APHORISMI.

EDITIO ULTIMA

MAXIMÉ CORRECTA.



VALENTIÆ:

IN TYPOGRAPHIA ILDEPHONSI NOMPIÆ.
1825.

*Se hallará en su misma librería, calle
nueva de San Fernando, núm. 64,
junto al Mercado.*



APHORISMORUM

HIPPOCRATIS

SECTIO I.

1. **V**ita brevis, ars longa, occasio præceps, experimentum periculosum, iudicium difficile. Nec solum se ipsum præstare oportet opportuna facientem, sed et ægrum, et assistentes, et exteriora.

2. In perturbationibus ventris, et vomitibus spontaneis, si *qualia* oportet purgari, purgentur, confert, et leviter se-

runt ; sin minus , contra. Sic et vasorum inanitio , si *quidem* fiat , *qualiter* fieri debet , confert , et bene tolerant ; sin minus , contra. Inspicere itaque oportet , et regionem , et tempus , et ætatem , et morbos , in quibus conveniat , aut non.

3. *Corpora* exercitatorum , qui summum bonitatis attingunt , *periculosa* , si in extremo constiterint : neque enim possunt in eodem statu permanere , neque quiescere ; cum verò non quiescant , nec possint proficere in melius ; reliquum est igitur , ut decendant in deterius. His de causis bonum habitum statim solvere

expedit , ut rursus corpus nutriri incipiat ; neque compressiones ad extremum ducendæ ; periculosum enim ; sed qualis natura fuerit ejus , qui debet perferre , ad hoc ducere convenit. Sic et evacuationes , quæ ad extremum deducunt , periculosæ ; et rursus refectiones , cum extremæ fuerint , periculosæ.

4. Victus tenuis , atque exquisitus , in morbis quidem longis , semper ; in acutis vero , in quibus non convenit , periculosus. Et rursus , qui ad extremum devenit tenuitatis , gravis est : nam et repletiones , quæ ad extremum deveniunt , graves sunt.

5. In tenui victu ægri delinquant, quo fit, ut magis lædantur. Quicumque enim error committitur, major in hoc fit, quam in paulo pleniori victu. Propterea etiam sanis periculosus existit valdè exquisitus victus, et constitutus, quoniam errores gravius ferunt. Ob hoc igitur tenuis victus, atque admodum exquisitus eo, qui sit paulo plenior, magis periculosus.

6. Extremis morbis extrema exquisitè remedia optima sunt.

7. Ubi morbus peracutus est, statim extremos habet labores, et extrinè tenuis-

simo victu utendum est. Ubi vero non, sed pleniorē victum contingit adhibere, tantum cibi indulgendum est, quanto morbus extremis *remissior fuerit*.

8. Quando morbus in suo vigore constiterit, tum victu tenuissimo utendum est.

9. Conjectari autem oportet, an æger cum victu sufficiat perdurare, donec morbus consistat; et nunquid prius ille deficiat, nec possit cum victu perdurare, vel morbus ante deficiat, atque hebetescat.

10. Quibus igitur statim morbus consistit, his statim

tenuis victus adhibendus est: quibus vero posterius debet consistere, his, et in ipso consistendi tempore, et parum ante illud, cibus subtrahendus: prius vero uberius agendum, ut æger sufficiat.

11. In accessionibus abstinere oportet; nam cibum dare nocuum est; et quibus per circuitum fiunt accessiones, in ipsa accessione abstinere oportet.

12. Accessiones vero, et constitutiones morbi indicabunt, et anni tempora, et circuitum successiva incrementa, sive quotidie, sive alternis diebus, sive per majora

intervalla fiant. Sed et ex his, quæ mox apparent, indicia sumuntur; quemadmodum in morbo laterali, si circa initia statim sputum appareat, morbum breviat: si vero postea appareat, producit. Et urinæ, et alvi excrementa, et sudores, et quæcunque apparuerint, vel bonam morborum judicationem, vel malam, vel breves, vel longos fore morbos ostendunt.

13. Senes facillimè jejunium ferunt: secundo loco, qui ætatem consistentem habent, minus adolescentes, omnium minimè pueri, præsertim qui inter ipsos sunt vividiores.

14. Qui crescunt plurimum habent calidi innati; plurimo igitur egent alimento, alioquin corpus absumitur. Senibus vero parum calidi innati inest; paucis propterea fomitibus egent, quia à multis extinguuntur. Hanc etiam ob causam febres senibus non similiter acutæ fiunt; frigidum enim eorum corpus.

15. Ventres hieme, et vere natura calidissimi sunt, et somni longissimi; quare per ea tempora alimenta copiosiora sunt exhibenda. Etenim tuuc calor innatus plurimus est; unde et pluribus egent alimentis, indicio sunt ætates, et athletæ.

16. Victus humidus febricitantibus omnibus confert, maximè verò pueris, et aliis, qui tali victu uti consueverunt.

17. Et quibus semel, aut bis; et quibus plura ne, an pauciora, et *per partes* oporteat afferre, considerandum. Condonandum autem aliquid tempori, et *regioni*, et ætati, et consuetudini.

18. Æstate, et autumno cibos difficillimè ferunt, hieme facillimè: secundum locum ver habet.

19. His, qui per circuitus accessionem habent, nihil dare oportet, neque cogere,

sed subtrahere de cibis ante *judicationem*.

20. Quæ judicantur ; et judicata sunt. integrè , neque movere , neque novare aliquid, sive medicamentis , sive aliter irritando , sed sinere.

21. Quæ ducere oportet, quo maximè natura vergit, per loca conferentia , eo ducere.

22. Concocta *purgare* , etque movere ; non cruda , *nec in principiis* , modo non turgent ; plurima vero non turgent.

23. Dejectiones non multitudine sunt æstimandæ ; sed si dejianantur , *qualiter oportet* , et ægri facilè tolerant. At-

quæ ubi usque ad animi defec-
tionem expedit ducere, facien-
dum, si æger possit tolerare.

24. In *acutis morbis*, ra-
rò, et in principiis medici-
nis purgantibus uti, et hoc cum
præmeditatione faciendum.

25. Si *qualiter* oportet
purgari, purgentur, confert,
et facillè ferunt; si contra, dif-
ficulter.

SECTIO II.

1. In quo morbo somnus
laborem facit, mortale; si ve-
ro juvat, non mortale.

2. Ubi somnus delirium
sedat, bonum.

3. Somnus , atque vigilia ,
utraque si modum excesserint ,
malum.

4. Non satietas , non fa-
mes , neque aliud quidquam ,
quod modum *naturæ* excesse-
rit , *bonum*.

5. Spontaneæ lassitudines
morbos prænunciant.

6. Quicumque dolentes par-
te aliqua corporis omnino do-
lorem non sentiunt , his mens
ægrotat.

7. Quæ longo tempore ex-
tenuantur corpora , lente re-
ficere oportet ; quæ verò bre-
vi , breviter.

8. Si à morbo cibum as-
sumens quis non corroboratur ,

pluri alimento corpus uti significatur ; quod si non assumendi cibum hoc accadat , scire oportet , quod indiget evacuatione.

9. Corpora cum quispiam purgare voluerit , oportet fluida facere.

10. *Impura* corpora quanto plus nutries , tanto magis lædes.

11. Facilius est *refici* potu , quam cibus.

12. Quæ relinquuntur in morbis *post judicationem* , recidivas facere consueverunt.

13. Quibuscumque crisis, id est judicatio , fit , his nox gravis ante accessionem ; quæ

verò subsequitur , magna ex parte levior existit.

14. In profluviiis alvi mutationes excrementorum juvant , nisi ad mala mutatio fiat.

15. Ubi fauces ægrotant, aut tubercula nascuntur in corpore , excretiones inspicere oportet. Nam si biliosæ fuerint, corpus una ægrotat ; si verò similes sanis , tutum est corpus nutrire.

16. Ubi fames , laborandum non est.

17. Ubi eibus præter naturam plus ingestus est , hic morbum facit ; ostendit autem sanatio.

18. Eorum , quæ univer-
sim , et velociter nutriunt,
veloces quoque fiunt excre-
tiones.

19. Acutorum morborum
non omninò sunt certæ præ-
nuntiationes , aut salutis , aut
mortis.

20. Quibus juvenibus ad-
huc alvus humecta est , his
senescentibus exsiccatur : qui-
bus verò juvenibus adhuc al-
vus sicca est , his senescenti-
bus humectatur.

21. Famem thorexis , id
est vini *meracioris* potio, sol-
vit.

22. Quicumque morbi ex
repletione fiunt , curat eva-

cuatio ; et quicumque ex evacuatione , repletio ; et aliorum contrarietas.

23. Acuti morbi in quatuordecim diebus judicantur.

24. Septenorum quartus est index. Alterius septimanæ octavus principium. Est autem et undecimus contemplabilis ; ipse enim quartus est alterius septimanæ. Rursus verò et decimus septimus contemplabilis ; ipse siquidem quartus est à quarto decimo , septimus verò ab undecimo.

25. Æstivæ quartanæ magnâ ex parte breves ; autumnales longè , et maximè , quæ hiemem attingunt.

26. Febrem convulsioni supervenire melius est, quam feбри convulsionem.

27. His, qui non ex ratione levius se habent, non oportet fidere, neque multum formidare mala, quæ præter rationem eveniunt, plurima enim talia stabilia non sunt, neque multum durare, et permanere consueverunt.

28. Febricitantium non omnino leviter, permanere corpus, et nihil minui; vel etiam plus quam ratio postulat, contabescere, malum. *Illud* enim morbi longitudinem, hoc vero ægri imbecillitatem significat.

29. Quum morbi inchoant, si quid movendum videtur, move; quum verò consistunt, ac vigent, melius est quietem habere.

30. Circa initia, et fines *morborum*, omnia imbecilliora; quum verò consistunt, fortiora.

31. Ejus, qui ex ægritudine bene cibatur, nihil proficere corpus, malum.

32. Omnes scèrè, qui malè se habent, circa initia bene cibati, nec quidquam, proficientes, circa finem rursus cibum non appetunt: qui verò circa initia cibum prorsus non appetunt, postea be-

ne appetentes , ii meliùs evadunt.

33. In quovis morbo mente constare , et bene se habere ad ea , quæ offeruntur, bonum : contra verò se habere , malum.

34. In morbis minùs periclitantur , quorum naturæ, aut ætati, aut habitui , aut tempori magis congruit morbus, quam quibus secundum nihil istorum congruit.

35. In quovis morbo partes ad umbilicum , et imum ventrem attinentes crassitudinem habere melius est ; multum verò extenuari , ac contabescere , prævum. Sed et hoc

quòque ad inferiores purgationes, periculosum.

36. Qui salubritatem corporis habent, per medicamenta evacuati citò exolvuntur, et qui pravo utuntur cibo.

37. Qui bene se habent corpore, difficulter ferunt *purgationes*.

38. Parùm deterior potus, aut cibus, suavior autem, melioribus quidem, sed minùs suavibus est præferendus.

39. Seniores juvenibus, ut plurimum ægrotant, minus; qui verò morbi ipsis accidunt longi, maximâ ex

parte comitantur ad mortem.

40. Raucedines, et grave-dines in valde senibus coctionem non admittunt.

41. Qui frequenter, ac fortiter absque causâ manifestâ exsolvuntur, de repente moriuntur.

42. Solvere *apoplexiam* fortem, impossibile est; debilem verò non facile.

43. Strangulati, et dissoluti, nondum *tamen* mortui, non referuntur, quibus spuma circa os fuerit.

44. Qui natura admodum crassi sunt, citius intereunt, quam qui graciles.

45. Quicumque juvenes

morbo comitiali laborant, mutatione maximè ætatis, et temporum, et locorum, et victuum quoque liberantur.

46. Duobus doloribus simul, *non tamen* eundem locum, infestantibus, vehementior alterum obscurat.

47. Dum pus conficitur, dolores, ac febres accidunt magis, quàm jam confecto.

48. In omni corporis motu, ubi laborare cœperit, quies statim lassitudinem aufert.

49. Qui consueti *sunt* solitos labores ferre, etsi fuerint imbecilles, et senes, non con-

suetis fortibus , atque juvenibus faciliùs ferunt.

50. Quæ ex longo tempore consueta sunt , etsi deteriora sunt , insuetis minus molestare solent. Oportet igitur *quoque* ad insueta permutari.

51. Plurimum , atque repente evacuare , vel replere , vel calefacere , vel refrigerare , sive quovis alio modo corpus movere , periculosum ; quoniam omne *nimum* est naturæ inimicum. Sed quod paulatim fit , tutum est , tum alias , tum quum ab aliero ad alterum transitus fit.

52. Omnia secundum rationem facienti , si non *succe-*

dant secundum rationem, non est transeundum ad aliud; stante eo, quod à principio visum est.

53. Quicumque alvos humidus habent, siquidem juvenes fuerint, meliùs *degunt* his, qui siccas habent. Ad senectam verò deterius *degunt*; nam senescentibus magnâ ex parte *exsiccamur*.

54. *Proceritas* corporis juventæ quidem, nec indecens, neque illiberalis: senectæ vero inutilis, et deterior *brevitate*.

SECTIO III.

1. Mutationes temporum polissimum pariunt morbos, et in quibusdam temporibus magnæ mutationes aut frigoris, aut caloris; et alia pro ratione eodem modo.

2. Naturarum, hæ quidem ad æstatem, hæ verò ad hiemem benè, malevè se habent.

3. Morbi quoque alii ad alia bene, malevè se habent; et quædam ætates ad tempora, et loca, et victus genera.

4. In temporibus, quando eâdem die modo calor, modo frigus fit, autumnales

morbos expectare oportet.

5. Austri auditum hebetantes, caliginosi, caput gravantes, pigri, dissolventes. Quando hujusmodi tempestas prævaluerit, talia in morbis patiuntur. At si aquilonia fuerit, tusses, *faucium asperitates*, alvi duræ, difficultates, urinæ horrores, *laterum dolores*, et pectoris *fiunt*. Quando hæc tempestas prævaluerit, talia in morbis expectare oportet.

6. Quando æstas fit verisimilis, sudores in febribus multos expectare oportet.

7. In siccitatibus febres acutæ fiunt: et si annus mag-

nâ ex parte talis fuerit , qualem fecerit constitutionem , tales plurimum morbos oportet expectare.

8. In constantibus temporibus , quum tempestivè tempestiva redduntur , morbi constantes , et boni judicii fiunt : in inconstantibus autem inconstantes , et mali judicii.

9. Autumno morbi acutissimi , atque exitiales maximâ ex parte. Ver verò saluberrimum , et minimè exitiale.

10. Autumnus tabidis malus.

11. De temporibus , siquidem hiems sicca , et aquilonia fuerit , ver verò pluviosum , et

australe ; necesse est æstate febres acutas, et *ophthalmias*, et *dysenterias fieri* ; præcipuè vero mulieribus, et viris, qui naturâ sunt humidiores.

12. Si vero hiems australis, et pluviosa, et serena fuerit, ver autem siccum et aquilinum, mulieres, quibus partus ad ver inest, ex quâcunque occasione abortiunt. Quæ vero pariunt, imbecilles, et morbidos infantes pariunt: quare, vel statim intereunt, vel tennes, et valetudinarii vivunt. Ceteris vero mortalibus *dysentericæ*, et *ophthalmicæ* siccæ fiunt. *Senibus* autem destillationes, quæ citò interiment.

13. Si verò æstas sicca fuerit , et aquilonia , autumnus verò pluviosus , et australis , dolores capitis ad hiemem fiunt , et tusses , raucedines , atque gravedines ; quibusdam autem et tabes.

14. Si verò aquilonius sit , et siccus , his qui naturam habent humidiorē , et mulieribus , conferet ; reliquis autem erunt *ophthalmiæ* siccae , et febres acutæ , et gravedines , nonnullis verò et atræ biles.

15. Ex anni autem constitutionibus , quod in totum dixerim , siccitates imbribus sunt salubrioribus , et minùs mortiferæ.

16. Morbi in pluviarum multitudine magnâ ex parte fiunt, febres longa, alvi profluvia, putredines, morbi comitiales, *apoplexiæ*, et anginæ. In *squaloribus* autem morbi *tabifici*, *ophthalmiæ*, articulorum dolores, stillicidia urinæ, et dysenteriæ.

17. Quotidianæ autem constitutiones aquiloniæ quidem corpora densant, compingunt, et bene mobilia, coloratio-
ra, meliùs audientia faciunt, alvos exsiccant, oculos mordent, et, si pectus dolor aliquis obsederit, dolorem augment. Austrinæ dissolvunt corpora, et humectant, auditum

obtundunt , *caput* aggravant ,
vertigines faciunt , oculis , at-
que corporibus difficilem me-
tum præstant , et alvos humec-
tant.

18. Per tempora anni, ve-
rè quidem , et primâ æsta-
te pueri , et qui hos sequun-
tur ætate , optimè degunt , et
sani sunt maximè. Æstate ve-
rò, et autumno usque ad ali-
quid senes : *reliquo autumno*,
et hieme qui mediam ætatem
habent.

19. Morbi omnes quidem
in omnibus *anni* temporibus
fiunt ; quidam verò magis in
quibusdam ipsorum , et fiunt ,
et *exacerbantur*.

20. Vere etenim furores, et *melancholicæ*, et morbi comitiales, et profluvia sanguinis, et anginæ, et gravedines, et raucedines, et lepræ, et tusses, et impetigines, et vitiliginæ, et pustulæ ulcerosæ plurimæ, et tubercula, et articulorum dolores.

21. Æstate autem nonnulli horum, et febres continuæ, et ardentes, et tertianæ, et quartanæ, et vomitus, et alvi profluvia, et *ophthalmicæ*, et aurium dolores, et oris ulcerationes, genitalium pueredines, et sudationes.

22. Autumno vero, et plurimi vel æstivi morbi fiunt,

et febres quartanæ, et erraticæ, et lienes, *hydropes*, et tabes, et stillicidia urinæ, et *dysentericæ*, et *lientericæ*, et coxendicum dolores, et anginæ, et *asthmata*, ilei, morbi comitiales, furôres, *melancholicæ*.

23. Hieme vero *pleuritides*, et *peripneumoniciæ*, *lethargi*, *gravedines*, *raucedines*, *tusses*, dolores pectoris, et laterum, atque lumborum, capitis dolores, vertigines, et *apoplexiæ*.

24. In ætatibus autem talia contingunt; parvis, et nuper natis puerulis oris ulcera, quæ *aphthæ* vocantur, vomiti-

tus , tusses , vigiliæ , pavores ,
umbilici inflammationes , aurium
humiditates.

25. In progressu verò , quum
jam dentire incipiunt , gin-
givarum prurigines , febres ,
convulsiones , alvi profluvia , et
maximè quum caninos edunt
dentes , et his præsertim pue-
ris , qui crassissimi sunt , et
alvos duras habent.

26. Quum verò jam ma-
gis adoleverint , *inflammatio-
nes tonsillarum* , et *vertebra-
rum* , quæ in occipitio sunt , *lu-
xationes* ad interiora , asthma-
ta , calculi , lumbrici rotundi ,
ascarides , verrucae *pensiles* ,
satyriasmis , strumæ , et alia tu-

bercula ; sed præcipuè antedicta.

27. Grandioribus autem, et jam accedentibus ad pubertatem, plurima ex his, et febres diuturnæ magis, et ex naribus profluvia sanguinis.

28. Plurimæ autem passionnes puerulis judicantur, nonnullæ quidem in quadraginta diebus, nonnullæ in septem mensibus, nonnullæ verò in annis septem, quædam verò jam ad *pubertatem* accedentibus : quæ verò permanserint, nec in pubertate finierint puerulis, aut feminis, quum menstrua erumpunt, consenescere consueverunt.

29. Adolescentibus autem sanguinis spultiones, tabes, febres acutæ, morbus comitialis, et alii, sed præcipuè an-
tedicti.

30. Ultra hanc ætatem *asthmata*, *pleuritides*, pulmonum inflammationes, lethargi, phrenitides, *febres ardentes*, diuturna *alvi* profluvia, cholerae, *dysenteriae*, *lienteriae*, hæmorrhoides.

31. Senibus spirandi difficultates, destillationes cum tusse, urinæ stillicidia, et difficultates, articulorum dolores, renum passiones, vertigines, apoplexiæ, mali habitus, pruritus totius corporis, vigilie,

alvi, oculorum, et narium humiditates, visus obtusus, glauccedines, auditus graves.

SECTIO IV.

1. Utero gerentes sunt *purgandæ*, si materia turget, quarto mense, et usque ad septimum, sed has minus. Juniora autem, et seniores vereri oportet.

2. In *purgationibus* talia educere è corpore, qualia et sponte prodeuntia, utilia; quæ verò contrario modo prodeunt, cohibere oportet.

3. Si qualia oportet purgari, purgantur „confert, et leviter

„ferunt, contraria verò gra-
„viter.

4. *Purgare* æstate supe-
riores magis *ventres*, hieme
verò inferiores.

5. Sub cane, et ante canem,
difficiles suni *purgationes*.

6. Graciles, et facile vo-
mentes, purgare superius, ca-
ventes hiemem.

7. Vcmentes verò diffi-
cilter, et mediocriter carno-
sos; per inferiora, caventes
æstatem.

8. Tabidos verò, caven-
tes ad superiores *purgationes*.

9. Melancholicos plenius
inferiores; eadem ratione con-
traria apponentes.

10. *Purgandum* in valde acutis, si materia turget, eâdem die; tardare enim in talibus malum est.

11. Quibus tormina, et circa umbilicum *cruciatus*, et lumborum dolor, qui neque à medicamento, neque aliter solvitur, in *siccum hydropa* firmatur.

12. Quorum alvi *lienteria* laborant, hiberno tempore supra purgare, malum.

13. Ad elleborum, qui non facilè supra purgantur, eorum corpora ante potionem pluri cibo, atque quiete humectanda sunt.

14. Quum biberit quis elleborum, ad *motionem* qui-

dem corporis ducere magis expedit ; ad somnum vero , atque quietem , minus. Indicat autem navigatio turbari motione corpus.

15. Quum volueris magis ducere elleborum , move corpus ; quum vero sistere , somnum facito , et non moveto.

16. Carnes sanas habentibus elleborus periculosus ; facit enim convulsionem.

17. Si quis febrem non habens abstineat à cibo. cordis morsum , atque tenebricosam vertiginem patiatur , et oris amaritudinem sentiat ; purgatione indigere per superiora significat.

18. Supra præcordia dolores , purgatione indigere per superiora significant ; quicumque verò inferiora molestant, per inferiora.

19. Qui medicamentis purgati non sitiunt , non quiescunt , prius quàm sitiant.

20. Non febricitantibus si tormina acciderit , et genuum gravitas , et lumborum dolor, purgari inferius oportere significatur.

21. Dejectiones nigræ, qualis est sanguis niger , sponte venientes , sive cum febre, sive sine febre pessimæ ; et quanto colores magis pravi fuerint plures, eo pejùs : cum

medicamento verò , meliùs ; et quanto colores plures , eo minus malum.

22. Morbis quibus libet incipientibus , si atra bilis vel supra , vel infra exierit , lethale.

23. Quibuscumque ex morbis acutis , aut diuturnis , vel ex vulneribus , sive quovis alio modo extenuatis , nigra bilis , sive uti sanguis niger , desubter exierit , postridie moriuntur.

24. *Dysenteria* , si ab atra bile incoeperit , lethalis est.

25. Sanguis quidem supra , qualiscumque fuerit , ma-

lus ; infra autem , *niger si de-*
jiciatur , bonus est.

26. A *dysenteria* habito
si veluti carunculæ exeant , le-
thale est.

27. Quibus in febribus san-
guinis fluxerit multitudo , quâ-
cumque ex parte *fluxerit* , quum
reficiuntur , alvi his humectan-
tur.

28. Quibus biliosæ *sunt* de-
jectiones , *iis* superveniente
surditate cessant ; et quibus
est surditas , supervenientibus
biliosis dejectionibus , cessant.

29. Quibus in febribus sex-
to die rigores fiunt , difficile
judicium sequitur.

30 Quibuscumque accēs-

siones fiunt , quacumque horâ febris dimiserit , si eadem cras occupaverit , iudicium habent difficile.

31. Lassitudinem habentibus in febribus in articulos, et circa maxillas potissimum abscessus fiunt.

32. Quibuscumque *convalescentibus* ex morbis *pars aliqua laboraverit* , hic fiunt abscessus.

33. Sed et si ante mortuum aliqua parte *doluerint*, hic morbus firmatur.

38. Si à febre habito, tumore non existente in faucibus strangulatio repente supervenerit, lethale.

35. Si á febre detento collum pervertitur, et vix potest devorare, sine ullo tumore, lethale est.

36. Sudores febricitanti si incoeperint, boni, et tertio die, et quinto, et septimo, et nono, et undecimo, et quartodecimo, et septimodecimo, et vigesimo, et vigesimo septimo, et trigesimo quarto; hi enim sudores judicant morbos. Qui verò non ita fiunt, laborem significant, *aut* morbi longitudinem, *aut* recidivam.

37. Frigidi sudores cum acuta quidem febre mortem; cum mitiori autem longitu-

·dinem morbi significat.

38. Quâ parte corporis sudor est, ibi significat morbum.

39. Et quâ parte corporis calor, aut frigus, ibi morbus.

40. Et ubi in toto corpore mutationes *accidunt*, ut si corpus refrigeretur, et rursus calefiat, vel color alter ex altero fiat, longitudinem morbi significat.

41. Sudor multus ex somno factus absque causâ manifestâ, corpus uti pluri cibo, significat: si verò cibum non accipienti hoc *accidat*, scire oportet quod evacuatione indiget.

42. Sudor multus calidus, vel frigidus, *semper* fluens, frigidus *majorem*, calidus *minorem* significat morbum.

43. Febres quaecumque, non intermittentes, tertiâ die fortiores fiunt, magis periculosæ. Quocumque autem modo intermiserint, periculum abesse significatur.

44. Quibus febres longæ, is tubercula, vel labores in articulis fiunt.

45. Quibus tubercula, vel in articulis labores fiunt, hi pluribus utantur cibis.

46. Si rigor incidat, febre non deficiente; ægro jam debili, lethale est.

47. Excretiones in febribus non intermittentibus lividæ, cruentæ, foetidæ, et biliosæ, omnes malæ: et si bene exeunt, bonæ. *Sed eadem quoque est eorum, quæ per alvum, et urinas excernuntur, ratio. Si quid vero, quod non juret, per hæc loca excernatur, malum.*

48. In febribus non intermittentibus, si exterioribus frigidis, interiores partes urantur, et sitim habeat, lethale est.

49. In febre non intermittente, si labrum, vel oculus, vel nasus, vel supercilium pervertatur, vel non videat,

vel non audiat, jam debili existente corpore, quidquid horum evenerit, mors proxima est.

50. Ubi in febre non intermittente difficultas spirandi, et delirium acciderit, lethale.

51. In febribus abscessus, qui ad primas judicationes non *solvuntur*, longitudinem morbi significant.

52. Quicumque in febribus, vel in aliis morbis sponte illacrimant, nihil absurdum; qui verò non sponte, absurdus.

53. Quibus circa dentes in febribus quidam lentores nascuntur, his fortes sunt febres.

54. Quibus plurimum siccae tusses leviter irritantes in fe-

bribus ardentibus fiunt , non multum siti infestantur.

55. Ex *bubonibus* febres omnes malæ , præter *ephemeras*.

56. Febricitanti sudor superveniens , febre non deficiente , malum : prorogatur enim morbus , et multam significat humiditatem.

57. Qui à *distensione* , aut *rigore* nervorum tenetur , febre superveniente liberatur.

58. A febre ardente *detento* , rigore superveniente , solutio.

59. Tertianæ exquisita septenis circuitibus , quod longissimum est , judicatur.

60. Quibus in febribus aures obsurduerunt, sanguis ex naribus fluens, aut alvus turbata solvit morbum.

61. Febricitantem nisi diebus imparibus febris reliquerit, solet recidivare.

62. Quibus in febribus morbus regius ante diem septimum accidit, malum.

63. Quibus in febribus quotidie rigores fiunt, quotidie febres solvuntur.

64. Quibus in febribus morbus regius septimo, vel nono, vel undecimo, vel quartodecimo supervenerit, bonum, nisi dextrum *hypochondrium* obduerit. Si verò non, non bonum.

65. In febribus circa ventriculum et fortis æstus, et cordis morsus, vel dolor, malum.

66. In acutis febribus convulsiones, et circa viscera dolores fortes, malum.

67. In febribus *per somnum* timores, vel convulsiones, malum.

68. In febribus spiritus offendens malum; convulsionem enim significat.

69. Quibus urinæ sunt crassæ, grumosæ, paucæ, non sine febre, si *ab his tenues, et copiosæ reddantur*, juvant; præcipuè verò tales veniunt, quibus ab initio, vel brevi *sedimentum* inest.

70. Quibus urinæ perturbatæ, quales sunt jumentorum, his dolor capitis vel adest, vel aderit.

71. Quibus septimâ *die futura crisis est*; his nubeculam habet quartâ die urinâ *subrubram*, et aliâ ex ratione.

72. Quibus urinæ albæ, et perspicuæ, malæ, præsertim si in *phreniticis* appareant.

73. Quibus *hypocondria*, elevata murmurant, lumborum dolore superveniente, his alvi humectantur, nisi flatus erumpant, aut urinæ multæ uero proveniat; hæc verò in febribus *accidunt*.

74. Quibus speratur abs-

cessum futurum ad articulos, liberat ab abscessu urina multa, crassa et alba, facta, qualis in laboriosis febribus quarto die quibusdam incipit fieri. Si verò etiam ex naribus fluxerit sanguis, brevi admodum solutio fit.

75. Si sanguinem, et pus mingat, renum aut vesicæ exulcerationem significat.

76. Quibus in urinâ crassâ existente, carunculæ parvæ, ac veluti capilli unâ exeunt, his à renibus excernitur.

77. Quibus in urinâ crassâ, furfurea quædam simul exeunt, his vesica scabiè laborat.

78. Quicumque sponte san-

guinem mingunt, his *in* renibus
venulam ruptam significatur.

79. Quibus in urinis reno-
sa *subsident*, his vesica labo-
rat calculo.

80. Si sanguinem *mingat*,
et grumos, *et* stillicidium urinæ
habeat, *et* dolor in anum inci-
dat ventrem, *et interseminium*,
circa vesicam *morbus* est.

81. Si sanguinem, aut pus
mingat, aut squamulas, *et* gra-
vis odor adsit, vesicæ exulce-
rationem significat.

82. Quibus in urinariâ fis-
tulâ tubercula nascuntur, iis
suppuratione factâ, *et* erup-
tione, solutio.

83. Mictio noctu plurimâ

factâ parvâ significat dejectionem.

SECTIO V.

1. Convulsio ex elleboro lethalis est.

2. Convulsio ex vulnere lethalis est.

3. Ubi sanguis plurimus fluxerit, convulsio, aut singultus superveniens, malum.

4. Ex *immodica* purgatione convulsio, aut singultus superveniens, malum.

5. Si ebrius quispiam repente obmutuerit, convulsus moritur, nisi febre corripiatur, aut ubi ad horam pervenerit,

quâ solvuntur crapulæ , vocem recuperet.

6. Quicunque *nervorum rigore* corripuntur , in quatuor diebus pereunt ; si verò has effugerint , sani fiunt.

7. Quibuscunque morbi comitiales fiunt ante pæbertatem, *in pæbertate* , mutationem accipiunt ; quicunque autem vigesimo quinto, *plerumque* commoriuntur.

8. Quicunque *pleuritide* laborantes in quatuordecim diebus non repurgantur , hi ad suppurationem vertuntur.

9. Tabes fiunt maximè ætatibus à decimo octavo usque ad trigesimum quintum annum.

10. Quicumque ab anginâ liberantur, his *si morbus* ad pulmones vertitur, in septem diebus pereunt ; si verò has effugerint , suppurantur.

11. Qui tabe molestantur, si sputum quod extussiunt grave olet injectum carbonibus, et capilli è capite defluunt, lethale.

12. Quibuscunque tabe laborantibus capilli à capite defluunt , hi alvi profluvio superveniente moriuntur.

13. Quicumque spumescum sanguinem expuunt, his è pulmone eductio fit.

14. A tabe detento profluvium alvi superveniens, lethale.

15. Quicumque ex *pleuritis* suppurantur, si in quadraginta diebus purgantur à die, quâ fit ruptio, liberantur: si verò non ad tabem transeunt.

16. Calidum, ubi quis sæpiùs eo utatur, hæc mala affert; carniū effœminationem, nervorum incontinentiam; mentis torporem, profluvia sanguinis, animi *defectiones* ad quæ quidem mors sequitur.

17. Frigidum autem convulsiones, distensiones, livores, rigores febriles *efficit*.

18. Frigidum inimicum ossibus, dentibus, nervis, cerebro, spinali medullæ; calidum verò utile.

19. Quæcumque refrigerata sunt excalefacere oportet, exceptis iis, è quibus sanguis fluit; aut fluxurus est.

20. Ulceribus frigidum quidem mordax; cutem obdurat, dolorem insuperabilem facit, *livores* obducit, rigores febriles, convulsiones, distensiones *efficit*.

21. Est autem ubi in distensione sine ulceratione, juvene bene carnoso, æstate media, frigidaë aquæ multa perfusio calorem revocat; calor autem hæc solvit.

22. Calidum *suppurationem movens*, non tamen in omni ulcere, magnum est ad secu-

ritatem indicium ; cutem mol-
lit , extenuat , dolorem sedat,
rigores , convulsiones , et dis-
tensiones mitigat , et ex his,
quæ ad caput attinent, ejus sol-
vit gravitatem. Plurimum au-
tem confert ossium fracturis,
sed nudis præcipuè, eorumque
maximè, qui in capite ulcera
habent ; et quæcumque à fri-
gore moriuntur , vel ulceran-
tur , *herpetibus denique ex-
cedentibus* , sedi , pudendis,
utero, vesicæ ; his calidum ami-
cum et judicans , frigidum ini-
micum , et perimens.

23. In his frigido utendum,
unde fluit sanguis , aut flu-

xurus est , non ad ipsa , sed circa ipsa unde influit : et quæcumque inflammationes, vel *ardores* ad rubrum, vel subcruentum sanguine recenti tendunt; nam veteribus nigredinem affert. Erysipelas etiam non ulceratum juvat; nam exulceratum lædit.

24. Frigida , qualis nix , et glacies , pectori inimica , tussés movent , et sanguinem , et destillationes.

25. Tumores articulorum, atque dolores absque ulcere, et podagricos quòque , atque convulsa ; horum plurima frigida aqua large affusa levat,

et extenuat, solvitque dolorem, nam modicus torpor dolorem solvit.

26. Aqua quæ cito calet, et cito refrigeratur, levissima est.

27. Qui noctu bibere appetunt, his admodum sitientibus, si superdormierint, bonum.

28. Suffitus aromatum muliebria *educit*; sæpius verò et ad alia utilis esset, nisi capitis faceret gravitatem.

29. Gravidas purgare turgente materia à quarto mense usque ad septimum; minus verò has. Recentiores autem, et seniores vereri oportet.

30. Mulierem utero geren-

tem capi ab aliquo morbo acuto , lethale est.

31. Mulier utero gerens, sanguine misso ex venâ , abortit ; et magis , si foetus sit major.

32. Mulieri sanguinem evomenti, menstruis erumpentibus solutio *fit*.

33. Mulieri menstruis deficientibus , sanguis è naribus fluens , bonum.

34. Mulieri utero gerenti si alvus plurimum profluat , periculum est , ne abortiat.

35. Mulieri, quæ morbis uteris molestatur , aut difficulter parit , superveniens sterilitas , bonum.

36. Mulieri menses decolores, nec per idem semper tempus venientes, purgationem indicant esse necessariam.

37. Mulieri utero gerenti, si mammæ graciles repente fiant, abortit.

38. Mulieri utero gerenti, si altera mamma gracilis fiat, geminos habenti, alterum abortit; et si quidem mamma dextera gracilis fiat, marem; si verò sinistra, feminam.

39. Si mulier, quæ neque gravida est, neque *recens* peperit, lac habet, huic menstrua defecerunt.

40. Quibuscunque mulieribus ad mammas sanguis col-

ligitur , furorem significat.

41. Si velis noscere , an conceperit mulier, quum dormitura est , ei aquam inulsam potandam da ; et si alvi tormina patietur , concepit , sin minus , non concepit.

42. Mulier , si marem concepit , bene colorata est ; si verò feminam , malè colorata.

43. Si mulieris gravidæ in utero sit erysipelas , lethale.

44. Quæcunque præter naturam tenues existentes utero gerunt , abortiunt , priusquam crassescant.

45. Quæcunque *vero* mediocriter corpulentæ abortiunt secundo , aut tertio mense si-

ne occasione manifesta, his acetabula uteri plena mucoris sunt; et non possunt ex pondere fœtum continere, sed disrumpuntur.

46. Quæcumque præter naturam crassæ non concipiunt utero, his omentum os uteri comprimit; et prius quam extenuentur, non concipiunt.

47. Si, *qua parte* uterus *coxæ adjacet*, suppuratur, necesse est linamentum fieri.

48. Fœtus, marces quidem in dexteris, fœminæ verò in sinistris magis *gestantur*.

49. Ut secunda præcidat, sternutatorio apposito, et nares apprehendito, et os.

50. Mulieri si velis menstrua cohibere, cucurbitulam quam maximam ad mammas appone.

51. Quæ utero gerunt, his uteri os comprimatur.

52. Mulieri utero gerenti, si lac multum è mammis effluat, foetum imbecillem significat: si verò mammae solidæ fuerint, foetum significant sanio-rem.

53. Quæ corrupturæ sunt foetus, his mammae extenuantur: si verò *contra* duræ fiant, dolor aut mammas, aut coxas, aut oculos, aut genua infestabit, et non corrumpent.

54. Quibus os uteri du-

rum est, his uteri os comprimi est necessarium.

55. Quæcunque utero gerentes à febris corripiantur, et fortiter calefiunt, sine occasione manifestâ. difficulter pariunt, et cum periculo; aut abortu facientes periclitantur.

56. Ex fluxu muliebri si convulsio, aut animi defectus advenerit, malum.

57. Si menstrua plura fiant, accedunt morbi; et si *subsistant*, ex utero morbi contingunt.

58. Recto intestino, aut utero inflammationem patienti, urinæ stillicidium accidit, et renibus purulentis urinæ ad-

venit stillicidium : *hepati autem inflammationem patienti, singultus advenit.*

59. Si mulier non concepit, scire autem velis, *num conceptura sit, pannis undique circumtectam desubter suffias, et si odor videatur per corpus ire ad nares, et os; scito, quod ipsa non ex se ipsa sterilis est.*

60. Si mulieri utero gerente purgationes eant, impossibile est foetum esse sanum.

61. Si mulieri cessent purgationes, neque febris, neque rigor superveniat, et fastidia incidant, judica ipsam, in utero habere.

62. Quæcunque frigidos, et *spissos* uteros habent, non concipiunt : et quæcunque præhumidos uteros habent, non concipiunt ; extinguitur enim in eis genitura : et quæcumque siccos magis, et adurentes, nam ex defectu alimenti corrumpitur semen. Quæcumque verò ex utrisque medioerem habent temperaturam, hæ fecundæ sunt.

63. Similiter autem et in maribus ; aut enim propter corporis raritatem spiritus extra fertur, ut semen non transmittatur ad os ; vel propter spissitudinem humor non exit foras ; vel propter frigidita-

tem non exit foras; vel propter frigiditatem non concalescit, ita ut ad hunc colligatur locum; vel propter caliditatem hoc idem accidit.

64. Lac dare caput dolentibus malum; malum verò et febricitantibus, et quibus *hypochondria* suspensa murmurant, et siticulosi, malum autem et quibus in febribus acutis biliosæ sunt dejectiones, et quibus sanguinis multi dejectio facta est. Convenit autem et tabidis dare qui non valde multum febricitant, et in febribus longis, et parvis, si nullum ex supradictis signis affuerit, et præter rationem consumptis.

65. Quibus tumores in ulceribus apparent, non *admodum* convelluntur, neque insaniunt. Verum his evanescentibus derepente, *quibus fuerant* à tergo, convulsiones, et rigores nervorum fiunt; quibus *verò* ante, insania, vel dolor lateris acutus vel suppuratio, vel *dyseuteria*, si tumores sunt rubicundi.

66. Si in vulneribus fortibus, et pravis, tumor non appareat, ingens malum.

67. Molles tumores, boni: crudi vero, mali.

68. Dolenti partem capitis posteriorem in fronte recta vena incisa prodest.

69. Rigores incipiunt mulieribus quidem ex lumbis magis, et per dorsum *perveniant* ad caput. Sed et viris parte corporis posteriore magis, quam anteriore, veluti *ex femoribus, et cubitis. Indicio est cutis raritas, quam ipsam pilus ostendit.*

70. A quartanis capti, non admodum à convulsionibus capiuntur. Si verò prius capiantur, et quartana supervenerit, liberantur.

71. Quibus *cutis circumten-*ditur *arida, et sicca*, sine sudore moriuntur; quibus verò *laxa, et rara*, cum sudore moriuntur.

72. Qui regio morbo laborant, non multum ventosi sunt.

SECTIO VI.

1. In longis *lienteriis*, si ructus acidus fiat, qui prius non erat, signum bonum.

2. Quibus nares natura humidiores, et genitura humidior, minus integra sanitate fruuntur: quibus verò contraria, salubrius degunt.

3. In longis *dysenteriis* inedia ex fastidio, malum; et cum febre, pejus.

4. Ulcera circum glabra prava sunt.

5. Dolores, qui sunt in la-

teribus , in pectore , atque aliis partibus , *num* multum differant , perdiscendum.

6. Renum , et vesicæ vitia in senioribus difficulter sanantur.

7. Dolores ventris sublimes , leviores ; qui verò non sublimes , fortiores.

8. *Hydrope* laborantibus ulcera in corpore facta , difficulter sanantur.

9. Latæ pustulæ non admodum pruriunt.

10. Caput dolenti , et circumdolenti , pus , vel aqua , vel sanguis effluens per nares , aut os , aut aures , morbus solvit.

11. Atrâ bile vexatis , et renum passionibus, hæmorrhoides supervenientes , bonum.

12. A ciuturnis sanato hæmorrhoidibus , si una *quæpiam* non servatur, periculum est *hydropem* , vel tabem advenire.

13. A singultu *detento*, sternutatio superveniens liberat.

14. Ab *hydrope detento*, si aqua à venis in ventrem defluerit , solvitur morbus.

15. A longo alvi prostuvio *detento*, spontaneus vomitus superveniens , morbum solvit.

16. A *pleuritide* , vel *peripneumonia detento* alvi profluvium *supervenians* , malum.

17. Lippientem alvi profluvio corripitur, bonum.

18. Vesica discissa, aut cerebro, aut corde, aut septo *transverso*, aut aliquo ex tenuioribus intestinis, aut ventriculo, aut jecore, lethale est.

19. Quum discissum fuerit os, aut cartilago, vel nervus, aut genæ *pars* tenuis vel præputium; neque augetur, neque coalescit.

20. Si in ventrem sanguis præter naturam effunditur, necesse est suppurari.

21. In insanientibus si varices, vel hæmorrhoides supervenerint, insanix solutio.

22. Quæcunque rupta ex

dorso ad cubitum descendunt, venæ sectio solvit.

23. Si timor, atque mæstitia longo tempore habentes perseverent, ex eo *morbùs melancholicus* significatur.

24. Si quod intestinorum gracilium discindatur, non coalescit.

25. Erysipelas ab exterioribus verti ad interiora, non est bonum: ab interioribus verò ad exteriora, bonum.

26. Qui in febribus ardentibus tremores fiunt, delirio solvuntur.

27. Quicumque suppurati, aut *hydropici* uruntur, aut secantur, si pus, aut aqua uni-

versim effluxerit, omnes moriuntur.

28. Eunuchi neque podagra laborant, neque calvi fiunt.

29. Mulier podagra non laborat, nisi menstrua defecerint.

30. Puer podagra non laborat ante usum venereorum.

31. Dolores oculorum vini meri potio, aut balneum, aut venæ sectio, aut medicamentum epotum solvit.

32. Balbi à longo alvi profluvio maximè capiuntur.

33. Qui acidum eructant, non valde pleuritide corripuntur.

34. Quicumque calvi sunt, his magnæ varices non fiunt. Quibus verò calvis varices magnæ superveniunt, hi rursus capillati fiunt.

35. *Hydrope* laborantibus, tussis superveniens, malum.

36. Difficultatem urinæ, vena secta juvat; secare verò interiores.

37. Ab angina *detento*; si tumor fiat in collo, bonum; *foras enim morbus vertitur.*

38. Caneros occultos omnes, melius est non curare; curati enim cito pereunt; non curati verò longius tempus perdurant.

39. Convulsio fit vel ex re-

pletionem, vel ex inanitione;
ita verò et singultus.

40. Quibus dolor circa *hypochondrium* fit absque inflammatione, his febris superveniens morbum solvit.

41. Quibuscunque suppurationis in corpore existens non innotescit, his ob crassitudinem puris, aut loci non innotescit.

42. Morbo regio laborantibus, si fiat hepar durum, malum.

43. Quicunque lienosi à *dysenteria* corripuntur longà, eaque in *hydropem*, aut *lenteriam* convertitur, moriuntur.

44. Quibus ex stillicidio

urinæ ileos supervenit, in septem diebus pereunt, nisi febre superveniente satis urinæ fluxerit.

45. Ulcera quaecumque annua sunt, aut diuturniora, os abscedere est necessarium, et cicatrices cavas fieri.

46. Qui gibbi ex astmate, aut tussi fiunt, ante pubertatem moriuntur.

47. Quibuscumque venæ sectio, vel purgatio cum medicamento convenit, hos verè purgare; vel venam incidere oportet.

48. Lienosis *dysenteria* superveniens, bonum.

49. Quicumque morbi po-

diagritici fiunt, sedata *inflammatione*, intra dies *quadraginta* finiuntur.

50. Quibuscumque præcidi-
tur cerebrum, his necesse est
febrem, et bilis vomitum su-
pervenire.

51. Quicumque sanī dolore
capitis repente capiuntur, et
statim muti fiunt, et stertunt,
in septem diebus pereunt, ni-
si febris apprehenderit.

52. Oportet verò, et con-
siderare oculorum in dormien-
tibus suspensiones; nam si quid
album commissis palpebris sub-
inspicitur, neque ex alvi pro-
fluvio, aut medicamenti potio-
ne istud contingat; malum est

signum, et lethale valde.

53. Desipientiæ, quæ cum risu fiunt, securiores; quæ verò cum studio, periculosiores.

54. In acutis *morbis*, qui cum febre sunt, luctuosa suspiria; malum.

55. Dolores podagrici vere, et autumnò magna ex parte moventur.

56. In morbis melancholicis, ad hæc periculosi decubitus, stuporem corporis, vel convulsionem, vel furorem, vel cæcitatem significant.

57. Apoplexiæ autem fiunt maximè à quadragesimo anno usque ad sexagesimum.

58. Si omentum excidat,

necessariò putrescit.

59. Quibuscumque à coxendicum dolore molestatis excidit coxa, et rursus incidit, his mucores *innascuntur*.

60. Quibuscumque à coxendicum dolore molestatis, diuturnò excidit coxa; his crura tabescit, et claudicant, nisi urantur.

SECTIO VII.

1. In morbis acutis, frigus partium extremarum malum.

2. In osse ægrotante caro livida malum est.

3. A vomitu singultus, et

oculorum rubor , malum.

4. A sudore horror , non bonum.

5. A furore *dysenteria*, vel hydrops , vel extasis ; bonum.

6. In morbo diuturno fastidium cibi , et dejectiones sinceræ malum.

7. Ex multâ potatione rigor , et desipientia , malum.

8. A tuberculi intus ruptione exsolutio , vomitio , *et* animi defectio fit.

9. A profluvio sanguinis *delirium* , *aut etiam* convulsio , malum.

10. Ab ileo vomitus , singultus , desipientia , vel convulsio , malum.

11. A *pleuritide*, inflammatione pulmonis, malum.
12. A pulmonum inflammatione, phrenitis, malum.
13. Ab æstibus fortibus convulsio, aut *tetanus*, malum.
14. In capitis ictu, obstupescencia, aut desipientia, malum.
15. A sanguinis sputo, puris sputum, *malum*.
16. A puris sputo phthisis, et fluxus; quum verò sputum retinetur, moriuntur.
17. In hepatis inflammatione singultus, malum.
18. In vigiliâ convulsio, vel *delirium*, *malum*.
19. In ossis *nudatione* erysipelas.

20. Ab erysipelate putredo, aut suppuratio, *malum*.

21. A forti in ulceribus pulsu, profluvium sanguinis.

22. A ventris dolore diuturno, suppuratio.

23. A dejectione sincerâ dysenteria, *malum*.

24. In ossis præcisione desipientia, si in vacuum penetraverit.

25. Ex medicamento potione, convulsio lethalis est.

26. In forti dolore partium ad ventrem attinentium, extremorum frigiditas *malum*.

27. Mulieri utero gerenti, si tensio supervenerit, facit abortum.

28. Quando os , aut cartilago , aut nervus abscinditur in corpore , non augetur.

29. Qui alba pituita detinetur , si fortis ventris fluxus supervenerit , à morbo liberatur.

30. Quibus in alvi profluviiis , excrementa spumosa sunt, his è capite pituita defluit.

31. Quibuscumque febricitantibus , in urinis fiunt sedimina , veluti farina crassior, longam ægritudinem fore significat.

32. Quibus autem biliosa sedimina , *sed* supra tenuia, *apparuerint* , acutum morbum significant.

33. Quibuscumque urinæ distantes sunt, his turbatio fortis in corpore fit.

34. Quibus in urinis, bullæ *innatant*, morbum renalem, et longum significant.

35. Quibus insidens pingue, ac simul totum, his renum vitium, *et acutum morbum adesse significatur.*

36. Quibus autem morbo renali laborantibus prædicta accidunt signa, doloresque circa spinæ musculos fiunt, siquidem circa loca exteriora fiunt, abscessus quoque exterius futuros expecta; si verò dolores magis circa loca interiora fiant, etiam abscessus ex-

pecta futuros interiùs.

37. Quicumque evomunt sanguinem, si sine febre, quidem, salutare, si verò cum febre, malum. Curare verò acerbis, et refrigerantibus.

38. Destillationes in ventrem superiorem suppurantur intra viginti dies.

39. Si quis sanguinem minxerit, et grumos, et stillicidio urinæ laboret, et dolor incidit in *semen*, et inum ventrem, pectinemque, quæ circa vesicam sunt loca, malè se habere significatur.

40. Si lingua repente incontinens fiat, aut aliqua pars corporis stupore elangueat, ta-

le: est melancholicum.

41. Si senioribus supra modum purgatis, singultus supervenerit, non bonum.

42. Si febris non ex bile *dependeat*, multa aqua calida capiti superinfusa, solutio fit febris.

43. Mulier ambidextera non fit.

44. Quicumque suppuratiuruntur, vel secantur, si pus purum fluxerit, et album, evadunt; si verò suberuentum, fœculentum, ac fœtidum, percutunt.

45. Quorum liepar suppuratum aduritur, si pus purum fluxerit, et album, evadunt;

in tunica enim his pus continetur ; si verò qualis amurca fluat , pereunt.

46. Dolores oculorum , post meri potionem , et aquæ calidæ balneum , venæ sectione curantur.

47. *Hydrope* laborans , si à tussi habeatur , desperatus est.

48. Urinæ stillicidium , et mingendi difficultatem , vini potio , et venæ sectio solvit ; incidere autem interiores *venas*.

49. Ab anginâ *detento* tumor , et rubor in pectore superveniens , bonum ; *foras* enim vertitur morbus.

50. Quibus cerebrum spha-

celatum, id est corruptum est; in tribus diebus pereunt; si verò hos evaserint, sani fiunt.

51. Sternutamentum fit ex capite, calefacto cerebro, aut humefacto eo, quod in capite est, inani *spatio*. Aer enim intus contentus, *foras* erumpit. Sonat autem, quoniam per angustum ipsi est exitus.

52. Quicumque hepar circumdolent, his febris superveniens solvit dolorem.

53. Quibus à venis sanguinem mittere confert, his vere venam oportet secare.

54. Quibus inter ventriculum, et *diaphragma* pituita reposita est, et dolorem affert,

non habens exitum *per* alterutrum ventrem ; his, *per* venam ad vesicam pituitâ versâ, solvitur morbus.

55. Quibus hepar aquâ plenum in omentum eruperit, his venter aquâ repletur, et moriuntur.

56. Anxietudo, oscitatio, horror, vinum *pari aquæ portione* potum, solvit ægritudinem.

57. Quibus in urinario meatu tubercula fiunt, his suppuratione factâ, et eruptione, solvitur dolor.

58. Quibus cerebrum *externâ* aliquâ causâ *vehementer* concussum fuerit, neces-

se est statim mutos fieri.

59. Corporibus carnes habentibus humiditas, famem adhibere convenit: fames enim corpora siccatur.

60. Ubi in toto corpore mutationes *fiunt*, et si corpus refrigeratur, et rursus calefiat, aut colorem alium ex alio commutat, longitudo morbi significatur.

61. Sudor multus calidus, vel frigidus semper fluens, humorem *exuberantem purgari*, in robusto quidem supra, in debili verò infra, significat.

62. Si quis cibum febricitanti dederit, ut sano robur, sic *febricitanti morbus*.

63. Quæ per vesicam ex-
cernuntur , inspicere oportet,
si talia sunt , qualia sanis ex-
cernuntur. Quæ igitur minimè
similia sunt his , hæc morbo-
siora : quæ verò sunt sani si-
milia , hæc minimè morbosa.

64. Et quibus dejectiones,
si *residere* permiseris , et non
moveris , veluti strigmenta *sub-
sident* (et si pauca , paucus
est morbus , et si multa , mul-
tus) his confert alvi purgatio:
quod si , alvo non purgata , de-
deris sorbitiones , quantò plu-
res dederis , tantò magis noce-
bis.

65. Quibuscumque inferiùs
cruda dejiciuntur , ab atrâ bi-

le sunt ; si plura , *major* ; si pauciora , *minor est morbus*.

66. Excreationes in febribus non intermittentibus lividæ , *cruentæ* , biliosæ , et foetidæ , omnes malæ. Quum verò bene excernuntur , bonum est ; et per *alvum* , et per vesicam. Et ubi aliquid secedens steterit non purgatum , malum.

67. Corpora oportet , ubi quis purgare voluerit , fluida facere ; et si supra , sistere alvum ; si verò infra , humectare.

68. Somnus , et vigilia , utraque modum excedentia , morbus.

69. In febribus non inter-

mittentibus , si exteriora frigent, interiora uruntur, et *sitis detineat*, lethale.

70. In febre non intermittente si labrum, aut nasus, aut oculus, aut supercilium pervertatur; si non videat, si non audiat, et jam debilis sit quidquid horum fuerit, mors propè est.

71. A pituitâ albâ, *hydrops* supervenit.

72. Ab alvi profluvio, *dysenteria*.

73. A *dysenteria*, *lienteria* supervenit.

74. A corruptione, abscessus ossis.

75. A sanguinis vomitu

phthisis , et puris purgatio supra.

76. Qualia fuerint vesicæ, aut alvî excrementa , et ex carnibus ; et sic , ubi *alias corpus à naturâ recesserit, spectare oportet ; nam si parum , parvus est morbus , si multum, magnus, si valde multum , lethale est.*

SECTIO VIII.

1. Qui supra quadraginta annos phrenitici fiunt , non fere sanescunt, minùs enim periclitantur , quibus morbus, et naturæ , et ætati conveniens accedit.

2. Quibuscumque in morbis, oculi ex causâ illacrimant, bonum; *quibuscumque* autem sine causâ, malum.

3. Quibuscumque in quar-tanis febribus, sanguis è na-ribus defluxerit, malum.

4. Sudores in diebus judi-catoriis vehementes, et cele-res si fiant, periculosi, præsertim, qui ex fronte, tam-quam guttæ, et fistulæ salien-tes pelluntur; frigidique val-de, atque multi. Necesse est enim talem sudorem multa vi et labore, et longâ expressio-ne exire.

5. *Ex longo morbo alvi æcfluxus*, malum.

6. Quoscumque morbos medicamenta non sanant, ferrum sanat; quos ferrum non sanat, ignis sanat; quos verò ignis non sanat, hos sanari non posse putato.

7. Tabes à decimo octavo, usque ad trigesimum *quintum* potissimum gignuntur.

8. In lethargo tremor, malum.

9. Lingua nigra, atque cruenta, quum quid horum signorum abest, malum validum non est, et imbecillio^xrem morbum significat.

10. Hæc quidem in acutis febribus observentur, ut, si

quis moriturus , vel evasurus sit , dignoscamus.

11. Testis dexter frigidus, contractusque , mortiferum est.

12. Ungues nigri ; digiti pedum frigidi , nigri , demissi , vel proclinati , mortem proximam esse portendunt.

13. Quod etiam digitorum extrema frigida præseferunt.

14. Et labra livida , resoluta , inversa , frigida si sint, mortiferum est.

15. Si oculi caligant , vel lucem aversantur , solitudine si *quis* gaudeat, qui somno multo , et æstu detinetur , extra spem est.

16. Si quis sensim rabie quadam elletur, si quis non cognoscit, non audit, non intelligit, mortiferum est.

17. *Morituris* signa hæc sunt clara magis; et ventriculi tolluntur, tumescunt, inflantur.

18. Terminus verò mortis hic est, quum animæ calor supra umbilicum, et diaphragma ascendit; ac omne humidum exurit, et siccatur; quum autem cor, et pulmo humiditatem caloris collecti mortiferis in locis sentiunt, totum caloris spiritum efflant, unde totum in toto consistit. Præterea quidem partim per carnem, partim per spiracula capitis spi-

rant, quod vivere dicimus; corporisque capsulam, et alveum anima frigidum, mortuumque una simulacrum relinquit, sanguinique, bili, et pituitæ, et carni concedit.

.FINIS.



